

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-732-2/10
Sarajevo, 8.07.2010. godine

Z A P I S N I K

14. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 8. jula 2010. godine

Sjednica je počela u 10.50.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio delegate, federalnu ministricu obrazovanja i nauke Melihu Alić, ministre u Vladi Federacije, goste, predstavnike Međunarodne zajednice i međunarodnih organizacija i udruženja, kao i predstavnike akreditiranih medijskih kuća koji prate rad sjednice.

Izostanak sa sjednice opravdali su Jasenko Tufekčić, Kenan Keserović, Nada Ćulap, Željko Asić i Radoje Vidović.

Na osnovu evidencije Stručne službe, predsjedavajući je konstatovao da sjednici prisustvuje 44 delegata, što čini većinu, te Dom naroda može raditi i punovažno odlučivati.

Predsjedavajući je obavijestio delegate da je Kolegij Doma naroda predložio da se na ovoj sjednici razmatra Prijedlog zakona o izmjenama i dopunama Krivičnog zakona Federacije Bosne i Hercegovine po hitnom postupku. Istakao je da je usvajanje ovog zakona njegovo usklađivanje sa Krivičnim zakonom Bosne i Hercegovine i ispunjavanje jednog od uslova iz Mape puta za liberalizaciju viznog režima građanima Bosne i Hercegovine.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za, uz dva glasa protiv i uz dva uzdržana glasa usvojio sljedeći

DNEVNI RED

1. Prijedlog zakona o izmjenama i dopunama Krivičnog zakona Federacije Bosne i Hercegovine – hitni postupak

1. Prijedlog Zakona o izmjenama i dopunama Krivičnog zakona Federacije Bosne i Hercegovine

Prijedlog Zakona utvrdila je Vlada Federacije Bosne i Hercegovine.

Predstavnički dom Parlamenta Federacije je na 32. sjednici od 30. 6. 2010. godine usvojio Prijedlog ovog Zakona u tekstu kako ga je predložila Vlada Federacije.

Prijedlog Zakona obrazložio je Hidajet Halilović, pomoćnik federalnog ministra pravde.

U raspravi su učestvovali: Ljubo Zovko, Mislav Sučić, Igor Rajner, Elvira Abdić Jelenović, koja je zatražila da se zapisnički konstatuje njena primjedba koja se odnosi na određivanje roka trajanja krivičnog postupka i donošenja presude u konkretnom predmetu i Hidajet Halilović, pomoćnik federalnog ministra pravde.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova za, uz jedan glas protiv i uz četiri uzdržana glasa, usvojio Prijedlog Zakona o izmjenama i dopunama Krivičnog zakona Federacije Bosne i Hercegovine.

* * *

Sjednica je završena u 11.26.

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVALAČI

Stjepan Krešić